

113 年全國語文競賽原住民族語朗讀 【卡那卡那富語】 國小學生組 編號 2 號

umoni cu sarunai tarukuka

miaa miana miana miana. masiraru 'una kani urucin taniaru. pupuri arapipiningi. matarai ucani, macuvungu cu ucani arapipiningi. iimua mamane meesua, 'inmaamia maciasu, 'akia mapitu'u. ka'anu cau tavara'u tia nukanmana tarasangai, tia nukanmana tavara'u cu si'icupu. ma'incu! meesua 'una sarunai Naparumaci kisuu. nipana'u kee ucani taniaru.

pacupungu cau, tia cu aramanungu cumacuvuru. koo pacupungu! niarakicacu cucumeni ucani taniaru. ka'anu cu arapipiningi. mapitu'u kavangvang mamane, 'akia ciasu. cucuru cau mamumuku! ka'anu tavara'u tia cu makananu?

matacuvucuvungu cau mataa marukurapu makarikari. tia makananu parapipiningi taniaru? mu'uru'uru karavung arataru makasi, ikuin makari taniaru. nakai ma'icupu taniaru cumacu'ura vu'ungu. ka'anu pakituru makari mataa karavung. iimua sua 'una vu'ungu, makai takuisi, to'urung, vutunu. 'akia cu kari. arakuracu vavuru makasi ukuin! nakai puaka taniaru nguain tamna macasu anisi. ka'anu makari 'inia. iimua sua 'una vanisi makai tacau, taamcuru, cumai, ka'anu cu makari. sua 'una usupatu kuku ia, ka'anu ka'anmanun taniaru. 'inmaamia cu sua urucin

kuku. makasi sua cau, ikim cau sua ninpana'u ucani taniaru. puaka kimia taniaru. ka'anu tia pakituru makari kimia. makasuin, 'inmaamia cu sua 'una paku. 'esi 'inia tatukua, tan'a'a, taruasu, tivukaru, tapuroo, sisini. 'akia pakituru tia makari taniaru. meesua 'una pa nipacuvuru cau tarukuka mataa kunga'a. makacang kunga'a makasi, aka timanun riang mia. namune'i mikaru kimia makari taniaru. ka'anu tia mamanung!

marivini cu. 'apu'iaru tarukuka arataru makasi, makasuin tanamu kui! makari na taniaru makasi. nimakari cu kim kavangvang. 'akia cu cau tia miakaka kasua. noo ka'anuin kasu putucucuru, tia ku tantaniaru umoni. tumatuturu kasua 'una kara 'apitaru? makasia kari ni meesua: noo makaan pa ku umoni ia, 'esi tumatuturu kasua, 'akia 'apitaru. mati'arangua cu tia arapipiningi. maka'una ku umoni, mukusaa cu kasu na sanivaria cimuru maritaru. makaturu ku umoni, arapipiningia cu kasu. iimua matarava masini, tantaniara pa sarunai tarukuka umoni. sua isi ia, tarukuka mataa taniaru 'arupatuturu meesua.

公雞叫了

原有兩個太陽交互出現，只有晝間沒有夜晚，不知何時休息、睡覺，當時有位勇士 Naparumaci 把其中一個太陽射下，沒想到另個太陽受到驚嚇不敢出來，大地變成暗夜，沒有亮光。

人類與動物商討怎樣讓太陽出來？牛去跟太陽說，但是太陽看到牛角就害怕，不願意說話，有角的動物，如山羊、山羌、鹿等，沒有一位可以說上話。山豬很生氣的說讓我去！但是太陽厭惡牠的牙齒，不跟牠說話，有長獠牙的，如狗、狐狸、熊等都不被接受。有四隻腿的動物太陽都不喜歡，剩下兩足動物的人類說，太陽是我們射下，太陽一定很痛恨，怎麼會願意跟我們商量？剩下有翅膀的動物，有老鷹、烏鴉、藍腹鷗、竹雞、麻雀、畫眉鳥等，沒有一個願意去。裡面還有雞和鴨。鴨馬上說，我們的聲音難聽，不要叫我們去，不會有好結果！

最後，雞對著太陽說，沒人會傷害你。若不相信，我可以每天啼叫、通知你有沒有危險？當時做了約定：第一次啼叫是沒有危險，可以準備出現。第二次啼叫，就去山的背面等通知，第三次啼叫就可以出來。公雞每天啼叫是雞與太陽的約定。